

Headlines

- 1 प्रधानमंत्री नरेंद्र मोदी होरें आई.एन.एस सुरत, नीलगिरी ते वाघशीर गी भारतीय नौसेना च शामिल कीता। उनें आखेआ जे भारत इक्क बड्डी समुंद्री शक्ति बना रदा ऐ।
- 2 राष्ट्र अज्ज 77मां सेना दिवस दे मौके पर सैनिकें दे शौर्य ते बलिदान गी चेत्ता करा'रदा ऐ। राष्ट्रपति, प्रधानमंत्री ते उपराज्यपाल होरें सशस्त्र बलें दे बलिदान गी श्रद्धांजलि भेंट कीती।
- 3 सेना प्रमुख जनरल उपेंद्र द्विवेदी होरें आखेआ जे जम्मू-कश्मीर हिंसा च कमी आई ऐ। हाल च होए दे मतदान इस गल्ला दी तसदीक करदे न।
- 4 सेहत मंत्री होरें आखेआ जे राजौरी दे बडाल ग्रां च होई दियां मौतां कुसै अंजान बमारी करी नेई हैन।

<><><><><><>

PM-Navy

प्रधानमंत्री नरेंद्र मोदी होरें आखेआ जे भारत इक्क बड्डी समुंद्री शक्ति बना'रदा ऐ ते ओह दुनिया भरै च इक्क जिम्मेदार ते भरोसेमंद भ्याल बनियै उभरा'रदा ऐ। प्रधानमंत्री होरें आखेआ जे भारत विस्तारवाद नेई सगुआं विकास दी भावना कन्नै कम्म करदा ऐ। एह गल्ल प्रधानमंत्री होरें अज्ज मुम्बई च 2 युद्धपोतें ते इक पनडुब्बी गी भारतीय नौसेना दे बेडे च शामिल करने मौके आकखी। इनें युद्धपोतें च आई.एन..एस-सुरत ते आई.एन.एस नीलगिरी शामिल न जिसले जे पनडुब्बी दा नां आईएनएस वाघशीर ऐ। उनें आखेआ।

प्रधानमंत्री होरें आखेआ जे एह बडे मानै आहली गल्ल ऐ जे त्रैवे अग्रणी युद्धपोत भारत च बने दे न। उनें सब्भनें सरबन्धी धडें गी मुबारकबाद दित्ती। रक्षामंत्री राजनाथ सिंह होर बी इस मौके पर उत्थे मौजूद हे। उनें आखेआ जे एह बरा रक्षा खेत्तर आस्तै सुधारें दा बरा ऐ। इस बरे दे खीरै तगर रक्षा खेत्तर च केई सारे सुधार लागू होडन।

<><><><><><>

Army Day.

77मां थल सेना दिवस अज्ज समूलचे मुल्लै च बडे मते उत्साह ते मानै दी भावना कन्नै मनाया जा करदा ऐ। राष्ट्रपति द्रौपदी मुर्मू होरें प्रधानमंत्री नरेंद्र मोदी होरें देसै दे दलेर सैनिकें ते उन्दे परिवार आहलें गी बी शुभकामनां दित्तियां राष्ट्रपति द्रौपदी मुर्मू होरें सेना दिवस दे मौके पर सैन्य कर्मिणें ते साबका फौजिएं गी शुभकामना दिंदे होई आखेआ जे स्टाडे सैनिकें दी तरक्की खुशहाली लेई देसै च रमानदारी आहला माहौल बनाई रखने च मती महत्वै आहली भूमिका रौहंदी ऐ। प्रधानमंत्री नरेंद्र मोदी होरें देसै दे दलेर सैनिकें ते उन्दे परिवार आहलें गी बी शुभकामनां दित्तियां ते आखेआ जे सरकार कई चाल्ली दे सुधारें ते आधुनिकीकरण पर ध्यान दिंदे होई थेआरबंद बलें ते उन्दे परिवार आहलें दी भलाई बेहतरी लेई बचने बज्झी दी ऐ। उपराज्यपाल मनोज सिन्हा होरें बी सेना दिवस दे मौके पर शुभकामनां दिंदे होई आखेआ ऐ जे राष्ट्र अपने सैनिकें दी निस्वार्थ सेवा लेई सदा उन्दा कर्जदार ऐ।

<><><><><><>

Upendra Dwivedi

77में सेना दिवस दे मौके पर पुणे च इक परेड दा सरिस्ता कीता गेआ। सेना प्रमुख जनरल उपेंद्र द्विवेदी होरें अज्ज जम्मू ते कश्मीर दी सुरक्षा स्थिति गी उजागर कीता। अपने संबोधन च सेना प्रमुख होरें आखेआ जे सुरक्षाबले दे लगातार जत्तें करी जम्मू-कश्मीर च पूरी चाल्ली शांति बहाली होई ऐ ते हाल च होए दे चुनां इस गल्ला दी तसदीक करदे न। उत्तरी ते पच्छिमी बन्ने दी स्थिति बारै गल्ल करदे होई सेना प्रमुख होरें आखेआ।

<><><><><><>

Announcement

आकाशवाणी जम्मू दे खेत्तरीय समाचार एकांश आसेआ कठुआ जिले लेई अंशकालिक संवाददाता लेई दरखास्तां मंगियां गेइयां न। इच्छुक आवेदक जेदी उमर 24 थवां 50 बरें दे बश्कार ऐ ते ओहू कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा अनुभव होना लोडचदा। मेदवार गी कम्प्यूटर खबर बनाने, मीडिया कवरेज दा अनुभव सने सरबंधी लोडचदे उपकरण दा इस्तेमाल बी करना आना चाइदा। आवेदक जिला सदर दफ्तर दी 10 किलोमीटर दी हद दे दे अंदर-अंदर रोहंदा होना चाइदा। दरखास्त ते लोडचदे दस्तावेज दी कॉपी मेदवार गी खेत्तरीय समाचार एकांश आकाशवाणी पंजतीर्थी जम्मू पिन कोड 18000 पर 15 फरवरी 2025 थवां पैहले-पैहले आइए जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

Sakina-Itoo

सेहत मंत्री सकीना इततू होरें अज्ज इस गल्ला दी पुष्टि कीती ऐ जे बडहाल ग्रां च 3 परिवारें दे 12 शा मते लोकें दी मौत कुसा रहस्यमय बिमारी करी नेई होई ऐ कीजे केंद्र शासित प्रदेश दे अंदर ते बाहुरा थमां होए दे बमारी दे नमूने दी जांच नैगेटिव आई ऐ, उआं उनें गलाया जे बडहाल च पिछले बरे दिसंबर च होई दियां एहू मौतां चैंता दा विशे न ते पुलस ते जिला प्रशासन एहदी जांच लेई लोडचदी गैहू पुट्टा रदी ऐ। पत्रकारें कन्नै गल्ल करदे होई उनें गलाया।

स्थाडे जिला संवाददाता मूजब शुरूआती रिपोर्ट च मृतकें दे नमूने च Neuro toxins दी मौजूदगी दे आसार मिले न। जम्मू-कश्मीर दे स्वास्थ्य विभाग दी इक्क शिष टीम मकामी लोकें दी जांच लेई बडहाल ग्रां पुज्जी गेदी ऐ।

<><><><><><>

Chief Secretary

मुख्य सचिव अटल डुल्लू होरें मुनसीपलटियें लेई जम्मू-कश्मीर च कचरा प्रबंधन लेई कार्य योजना तैयार करने दी समें-सीमा तय कीती ऐ। घर-मकान ते शैहरी विकास विभाग कन्नै लोआई गेदी मीटिंग दौरान उनें ठोस ते तरल कचरे लेई वैज्ञानिक ढंगै कन्नै कचरा प्रबंधन दी जरूरत उप्पर बल दित्ता। मुख्य सचिव होरें मुसनीपल कमिशनरें गी बायो सी.एन.जी. संयंत्र ते खाद इकाइयां स्थापित करने लेई थाहरें दी पंछान करने लेई बी आखेआ।

<><><><><><>

Honey

मधुमक्खी पालन गी बढ़ावा देने दी इक्क महत्वपूर्ण पैहल तैहत मधुमक्खी पालन विकास योजना आसेआ कृषि विज्ञान केंद्र साम्बा च इक्क शहर महोत्सव दा सरिस्ता कीता गेआ। जम्मू दे राई-बाई मैहकमे दे निदेशक अरविंद्र सिंह होरें इस मौके साम्बा दे मधुमक्खी पालकें ते उद्यमियें गी सम्मानित कीता ते मकामी स्तर पर रोजगार दे मौके पैदा करने लेई मधुमक्खी पालन गी आजीविका दे तौरा उप्पर अपनाने ते मकामी शहद उद्योग दा समर्थन करने दा आग्रह कीता। स्हाड़े जिला संवाददाता कन्नै गल्ल करदे होई निदेशक अरविंद्र सिंह रनी होरें आखेआ।

<><><><><><>

Mahakumbh-Train

महाकुम्भ 2025 दे सिलसिले च श्रद्धालुएं दी सुविधा लेई उत्तरी रेलवे नै श्री माता वैष्णो देवी कटड़ा ते प्रयागराज बश्कार विशेष रेल गड्डियां चलाने दी घोषणा कीती ऐ। पैहली रेल गड्डी श्री माता वैष्णा देवी कटड़ा थवां 24 जनवरी बडुलै 3 बज्जियै 50एं मिटें पर चलोग ते 25 जनवरी गी प्रयागराज थवां वापस परतोई औग। अगलियां दो रेल गड्डियां 7 फरवरी ते 14 फरवरी गी चलडन। इनें दौनें रेल गड्डिएं दा समां अपनी-अपनी तरीक पर बडुलै 3 बज्जियै 50 मिनट गै होग ते इब्बी कटड़ा थमां गै चलडन। 7 फरवरी आहली रेल गड्डी 8 फरवरी गी वापस परतोग। इस्सै चाल्ली 14 फरवरी आहली गड्डी 15 फरवरी गी प्रयागराज थवां परतोग। इनें विशेष रेल गड्डिएं दा मकसद लोकें गी सुचारू ढंगै सिर प्रयागराज पजाना ऐ। इस पैहल दा मकसद महाकुम्भ च हिस्सा बनने दी इच्छेआ रखने आहलें गी स्थूलत प्रदान करना ऐ ते रेलवे दा आखना ऐ जे ओहदे लक्ष्य सदा गै अपने यात्रिएं दी सुविधा दा ख्याल रखना ऐ।

<><><><><><>

Weather

जम्मू-कश्मीर च 19 जरवरी तगर मौसम दे खुश्क रौहने ते ठंडू दे प्रकोप दे जारी रौहने दी मेद ऐ, उआं कल बडुलै कश्मीर दियें उच्चियें धारें उप्पर हल्की बर्फबारी दी बी पेशनगोई कीती गेई ऐ। मौसम विभाग दे निदेशक मुख्तार अहमद होरें मौसम दे बारे गल्ल करदे होई दस्सेआ। तोआई जम्मू-श्रीनगर राष्ट्रीय राजमार्ग एन.एच-44 उप्पर दवैं बक्खी थमां गड्डियें दी आओजाई जारी ऐ। उआं ऐतिहासिक मुगल शिड़क उप्पर यातायात बर्फ गी हटाने दे कम्म दे चलदे अजें बी बंद ऐ।

<><><><><><>